

[Missing]

PREAMBULO

Nũxũ tacuaxgũ rũ guxũma ĩ duũxũgũ rũ nawũxigu i Tupanapexewa rũ tataxuma ya texé i togũarũ yexera ixĩxẽ. Rũ name nixĩ na nataãẽgũxũ ĩ guxũma ĩ duũxũgũ. Rũ ngẽmacax tama tanaxwaxe i texé nũxũ tarũporamaẽ ĩ togũ i duũxũgũ rũ exna chixri namaã tachopetũ.

Nũxũ tacuaxgũ rũ ñuxguacũ rũ togũ i ãẽxgacũgũ rũ chixri nũxna nadau i norũ duũxũgũ rũ chixri namaã nachopetũ. Rũ wũxi i taxũ ĩ chixexũ nixĩ ĩ ngẽma ĩ guxũ ĩ duũxũgũpexewa. Rũ ñuxma tanaxwaxe i guxũ ĩ duũxũgũ i guxũ ĩ naãnewa rũ meã namaxẽ. Rũ tama name na texé nachuxuxũ ĩ ngẽma nũxũ yaxuxchaũxũ ĩ duũxũgũ. Rũ tama name na texé nachuxuxũ ĩ ngẽma nũxũ yaxõgũaxũ ĩ duũxũgũ. Rũ tama name ĩ togũxũ na namuũẽxũ ĩ duũxũgũ.

Rũ tanaxumatũgũ i ñaã oregũ erũ tanaxwaxe i ãẽxgacũgũ meã nũxna nadaugũxũ ĩ norũ duũxũgũ. Erũ tama tanaxwaxe i yixcũra tacũ rũ chixexũcax norũ ãẽxgacũmaã nanuẽ ĩ duũxũgũ rũ namaã nũgũ nadai.

Tama name ĩ wũxi i nachiũãne rũ to i nachiũãnemaã nũgũ na nađaixũ.

Poperawa tanaxumatũgũ rũ guxũma ĩ nachiũãnecũãxgũ i duũxũgũ rũ nawũxigu i Tupanapexewa rũ tataxuma ya texé ta togũarũ yexera ixĩxẽ. Rũ yatũgũ rũ ngexũgũ rũ nawũxigu, rũ wũxichigũ rũ name. Rũ name nixĩ na naxãxchiruxũ ĩ guxũ ĩ duũxũgũ rũ name nixĩ na naxãwemũxũ. Rũ name nixĩ ĩ meã nũgũmaã na namaxẽxũ ĩ duũxũgũ rũ tama nũgũ na nađaixũ.

Rũ guxãma ĩ yixemagũ i ngutaquexegũxũ rũ tapuracũechaũ na nũxũ nangũxẽẽgũxũcax i guxũma ĩ duũxũgũ na aixcũma meã namaxẽxũcax rũ nataãẽgũxũcax.

Rũ ñuxma tanaxwaxe i guxũma ĩ duũxũgũ nũxũ nacuaxgũ i ngẽma uneta. Rũ ngẽmacax name nixĩ na meã naxumatũgũxũ na nũxũ nacuaxgũxũcax i guxũma ĩ duũxũgũ.

GUXÃMA ĩ YIXEMA ĩ GUXũ ĩ NACHIũãNEWA NE ĨXẽ

Rũ nũxũ tixu rũ ñatarũgũgũ:

Rũ nangẽxma ĩ maxũ ĩ mexũ ĩ guxũ ĩ duũxũgũcax ixĩxũ, rũ taxucũrũwa i texé tanachuxu i ngẽma. Rũ tanaxwaxegũ i guxũ ĩ nachiũãnecũãx i duũxũgũ nũxũ nacuaxgũ i ngẽmachiga. Rũ ngẽmacax rũ name nixĩ na guxũwama duũxũgũ nanagũexẽẽgũxũ ĩ ngẽmachiga, na guxũma ĩ duũxũgũ nũxũ nacuaxgũxũcax.

ARTICULO 1.

Ngẽxguma nabuxgu i duũxũgũ rũ guxũma nawũxigu, rũ tataxuma ya texé ya togũarũ yexera ixĩsẽ. Rũ guxũma naxããẽgũ rũ ngẽmacax rũ name nixĩ na nũgũmaã namecũmaxũ ĩ guxũma ĩ duũxũgũ.

ARTICULO 2.

Rũ name nixĩ na wũxichigũ i duũxũ meã namaxũxũ ngẽxgumarũ ĩ ñaã popera nũxũ ixuxũrũũ. Rũ taxucũrũwa i texé tanachuxu i ngẽma. Rũ nũẽta i ngexta nabuxgu i wũxi i duũxũ, rũ exna tacũ rũ duũxũ yixĩxgu. Rũ nũẽta ega yatũ yixĩxgu rũ exna ngexũ yixĩxgu. Rũ nũẽta i tacũ i nagawa yadexaxgu rũ exna ñuxãcũ Tupanaãxũ yaxõõgu. Rũ nũẽta ega tacũ rũ ãẽxgacũtanũxũ yixĩxgu rũ exna tacũgu naxĩnũgu. Rũ nũẽta ega namuãrũ dĩẽruãxgu rũ exna tama. Erũ guxũ ĩ duũxũgũcax nixĩ ĩ ñaã maxũ ĩ mexũ.

Rũ nũẽta ega tacũ rũ nachiũãnecũãx yixĩxgu i wũxi i duũxũ, erũ guxũ ĩ nachiũãx i

duĩxũgũcax nixĩ ĩ ñaã maxũ ĩ mexũ.

ARTICULO 3.

Rũ ngẽxguma tama tacũ rũ chixexũ naxũxgu i wũxi i duĩxũ rũ taxucũrũwa wũxi i ãẽxgacũ nũxna nanachuxu i tacũ i mexũ ĩ nagu naxĩnũxũ rũ taxucũrũwa naxãũxũneãcũ rũ exna napoxcuaxũ rũ exna yamããxũ.

ARTICULO 4.

Rũ ngẽxguma togũãxũ napuracũgu i wũxi i duĩxũ name nixĩ na nayauxãxũ ĩ natanũ. Rũ tama name na ngetanũãcũma na napuracũxẽẽãcũ.

ARTICULO 5.

Rũ tama name na wũxi i ãẽxgacũ nũxna na nacuaixcaxũ ĩ wũxi i duĩxũ rũ exna chixri namaã naxũpetũ wũxi i airurũrũ.

ARTICULO 6.

Rũ marũ name na ãẽxgacũpexewa na nanguxũ ĩ ngexũrũxũ ĩ duĩxũ na norũ guxchaxũ yaxuxũcax na namexẽẽãxũcax.

ARTICULO 7.

Rũ ãẽxgacũpexewa rũ guxũma ĩ duĩxũgũ rũ nawũxigu. Rũ name nixĩ ĩ ãẽxgacũ na nũxũ rũngũxẽẽxũ ĩ guxũma. Rũ tama name na chixexũ namaã naxũxũ ĩ wũxi, rũ nũxũ na nangũxẽẽxũ ĩ to, erũ guxũma ĩ duĩxũgũ rũ nawũxigu.

ARTICULO 8.

Rũ ngẽxguma texé tacũ rũ chixexũ wũxi i duĩxũmaã taxũxgu rũ name nixĩ na ãẽxgacũpexewa na naxũxũ ĩ ngẽma duĩxũ. Rũ marũ name na ãẽxgacũmaã nũxũ na yaxuxũ na ãẽxgacũ namexẽẽxũcax i ngẽma.

ARTICULO 9.

Rũ ngẽxguma tama tacũ rũ chixexũ naxũxgu i wũxi i duĩxũ rũ taxucũrũwa wũxi i ãẽxgacũ nanapoxcu. Rũ taxucũrũwa norũ nachiũãnewa ĩnanataxũchi.

ARTICULO 10.

Rũ ngẽxguma wũxi i duĩxũ to i duĩxũxũ ĩxũãxũgu rũ taxucũrũwa ãẽxgacũ nanapoxcu ega tama meã nũxna nacaxiragu i ngẽmachiga.

ARTICULO 11.

Rũ ngẽxguma wũxi i duĩxũ to i duĩxũxũ ĩnaxũãxũgu rũ taxucũrũwa i ãẽxgacũ nũxũ nixu na aixcũma wũxi i chixexũ na naxũxũ ega tama meã nũxna nacaxiragu i noxrix.

Rũ ngẽxguma tama ãẽxgacũ nachuxuxgu i noxrix, rũ taxucũrũwa i yixcũra rũ wũxi i duĩxũ napoxcu naxcax i ngẽma. Rũ taxucũrũwa porããcũ nanapoxcu ega tama nataxgu i ngẽma chixexũ ĩ naxũxũ ĩ wũxi i duĩxũ.

ARTICULO 12.

Rũ ngẽxguma tacũ rũ chixexũ naxũxgu i wũxi i duĩxũ rũ taxucũrũwa i ãẽxgacũ nanapoxcu i

naxmax rū exna naxăcŭgŭ naxcaḡ i ngēma. Rŭ taxucŭrŭwa âēḡgacŭ ngēma duŭxŭpatagu naxŭcu rū exna ngēma duŭxŭârŭ carta niwāxna. Rŭ taxucŭrŭwa âēḡgacŭ nŭxŭ nixu i ṭacŭ i ore i chixexŭ ī ngēma duŭxŭchiga, erŭ nachuxu i ngēma.

ARTICULO 13.

Rŭ ngēḡguma chi ngextŏ naxŭchaŭgu wŭxi i duŭxŭ ī nachiŭānewatama rū taxucŭrŭwa âēḡgacŭ nanachuxu i ngēma.

Rŭ ngēḡguma chi to i nachiŭānewa naxŭchaŭgu rū taxucŭrŭwa âēḡgacŭ nanachuxu i ngēma. Rŭ taxucŭrŭwa nanachuxu na nataeguxŭ.

ARTICULO 14.

Rŭ ngēḡguma wŭxi i âēḡgacŭ chixexŭ namaā ŭchaŭgu i wŭxi i duŭxŭ rū marŭ name na ngēma âēḡgacŭchaḡwa yaxŭxŭ rū to i nachiŭānewa naxŭxŭ.

Natŭrŭ ngēḡguma aixcŭma wŭxi i chixexŭ naxŭḡgu i ngēma duŭxŭ rū marŭ name ī âēḡgacŭ nanataeguxēē na napoxcuāxŭcaḡ.

ARTICULO 15.

Marŭ name na wŭxichigŭ i duŭxŭāxŭ na nangēxmaxŭ ī norŭ bupane rū nachiŭāne.

Taxucŭrŭwa wŭxi i âēḡgacŭ nanapu i wŭxi i duŭxŭârŭ bupane. Natŭrŭ ngēḡguma nanaxwaxegu i wŭxi i duŭxŭ rū marŭ name na nŭxna na yaxŭxŭ ī ngēma nachiŭāne na to i nachiŭānewa naxŭxŭcaḡ na ngēmaxŭāx yixŭxŭcaḡ.

ARTICULO 16.

Ngēḡguma nayaxgu i yatŭ rū marŭ name na naxāmaxŭ. Rŭ ngēḡgumarŭ ī ngexŭgŭ rū ngēḡguma nayaxgu rū marŭ name na naxātexŭ. Rŭ nŭéta ega ṭacŭ rū duŭxŭ yixŭḡgu i nŭmagŭ rū exna ṭacŭ rū nachiŭānegŭāx yixŭḡgu rū exna ṭacŭ rū machiŭānecŭā yixŭḡgu rū exna nŭxācŭ Tupanaāxŭ yaxŏāgu. Rŭ taxucŭrŭwa texé nŭxna tanachuxu i ngēma na naxāmaxŭ rū exna naxātéxŭ rū exna naxāxācŭxŭ. Rŭ ngēma yatŭ rū ngēma ngexŭ rū nawŭxigumare.

Rŭ ngēḡguma tama naxātechaŭgu i wŭxi i ngexŭ rū taxucŭrŭwa texé tanamu na naxātéxŭcaḡ. Tŭ ngēḡgumarŭ ī yatŭxŭ rū ngēḡguma tama naxāmaxchaŭgu rū taxucŭrŭwa texé tanamu na naxāmaxŭcaḡ.

Rŭ marŭ name na naxāmaxŭ rū naxātéxŭ rū naxāxācŭxŭ ī duŭxŭgŭ. Rŭ name nixŭ na âēḡgacŭ rū ngēma duŭxŭḡxŭ inapoxŭxŭ rū nŭxna na nadauxŭ.

ARTICULO 17.

Rŭ marŭ name na wŭxichigŭ i duŭxŭ rū nŭxŭ nangēxmaxŭ ya napata rū norŭ naāne rū norŭ ngēmaxŭgŭ. Rŭ ngēḡguma chi to i duŭxuŭmaā yatoyechaŭāgu i norŭ ngēmaxŭgŭ gŭ marŭ name na yatoyēxŭ.

Rŭ taxucŭrŭwa texé wŭxi i duŭxŭna tanapu i norŭ ngēmaxŭgŭ rū napata rū exna ṭacŭ i to i nŭxŭ ngēxmaxŭ.

ARTICULO 18.

Rŭ wŭxichigŭ i duŭxŭ rū marŭ name na nŭma nanaxwaxexŭāxŭma nagu na naxŭnŭxŭ exna Tupanaāxŭ na yaxŏōxŭ. Natŭrŭ ngēḡguma toācŭma nagu naxŭnŭchaŭgu rū exna toācŭma Tupanaāxŭ yaxŏchaŭāgu rū taxucŭrŭwa texé nŭxna tanachuxu i ngēma. Rŭ ngēḡguma togŭmaā

nũxũ yaxuxchaũgu i ngẽma nãgu naxĩnũxũ rũ exna yaxõxũ rũ ngẽma rũ ta rũ name. Rũ ngẽxguma nũxĩcatama Tupanaãxũ yaxõxchaũãgu rũ ngẽma rũ name. Natũrũ ngẽxguma togũmaã nangutaquexechaũgu na Tupanaxũ yacuaxũxũgũxũcax rũ ngẽma rũ ta name rũ taxucũrũwa texẽ tanachuxu i ngẽma.

ARTICULO 19.

Rũ wũxichigũ i duũxũ rũ marũ name na nũma nanaxwaxexũãcũma nãgu na naxĩnũxũ rũ taxucũma texẽ nũxna tanachuxu i ngẽma. Rũ taxuacũma texẽ tanapoxcu naxcax i ngẽma nãgu naxĩnũxũ. Rũ taxucũrũwa texẽ tanachuxu na togũmaã nũxũ na tixuxũ ã ngẽma nãgu tarũxĩnũxũ.

ARTICULO 20.

Rũ ngẽxguma nangutaquexechaũgu i wũxi i duũxũ rũ taxucũrũwa texẽ nũxna tanachuxu i ngẽma ngutaquexe.

Taxũema nũxna tanachuxu i wũxi i duũxũ ega tama nanaxwaxegu na wũxi i ngutaquexetanũxũ nũgũ yaxĩxẽẽxũ.

ARTICULO 21.

Rũ ngẽma na ãẽxgacũxũ yangucuchixẽẽxũ ã wũxi i duũxũ rũ guxũ ã duũxũgũmexẽwa nangẽxma ã ngẽma.

Rũ name nixĩ na ãẽxgacũ nũxũ rũngũxẽẽxũ ã guxũma ã ngẽma duũxũgũ i naxmexwa ngẽxmagũxũ.

Rũ name nixĩ na nangutaquexegũxũ ã duũxũgũ na meã nũxũ naxunetaxũcax i norũ ãẽxgacũgũ. Rũ name nixĩ na wũxichigũ nũxũ naxunetaxũ ã na ngexũrũxũ ã ãẽxgacũ nanaxwaxegũxũ.

ARTICULO 22.

Rũ name nixĩ na ãẽxgacũ nũxũ rũngũxẽẽxũ ã guxũma ã norũ duũxũgũ na meã namaxẽxũcax rũ taxuma tacũ rũ chixexũ namaã naxũgũxũcax i ngẽma norũ duũxũgũ.

ARTICULO 23.

Rũ name nixĩ na wũxichigũ i duũxũ nũxũ na nangẽxmaxũ ã norũ puracũ. Rũ taxucũrũwa texẽ nũxna tanachuxu na napuracũxũ nawa i ngẽma norũ puracũ i nũma nanaxwaxexũ. Rũ taxucũrũwa texẽ tanamu nawa i wũxi i puracũ i tama nũma nanaxwaxexũ.

Rũ name nixĩ na wũxichigũ i duũxũ fũ nayauxãxũ ã natanũ naxcax i norũ puracũ. Rũ ngẽxguma ñuxre i duũxũgũ napuracũegu i wũxi i puracũwa, rũ ngẽxguma nawũxiguxgu i ngẽma norũ puracũwa, rũ name nixĩ na nawũxiguxũ ã natanũ ã ngẽma puracũcax nayauxgũxũ.

Rũ ngẽxguma wũxi i duũxũ rũ to i duũxũna naxããgu i wũxi i puracũ rũ name nixĩ na meã nũxũ na naxũtanũãxũ. Erũ name nixĩ na wũxichigũ meã nayaxuxũ ã natanũ na ngẽmamaã meã nũxna na nadauxũcax i ngẽma naxmax rũ naxãcũgũ.

Rũ ngẽxguma ñuxre i puracũtanũxũgũ wũxigu puracũchaũgu na meã nũxũ naxũtanũgũãxũcax rũ taxucũrũwa texẽ tanachuxu nũxna ã ngẽma.

ARTICULO 24.

Rũ guxũma ã duũxũgũ rũ name na nangũgũxũ ã ñuxguacũ na tama guxũguma napuracũexũcax. Rũ ngẽxguma wũxi ya taunecũ wũxi i corixũtawa napuracũgu i wũxi i duũxũ rũ name nixĩ na ngẽma cori nũxna na nxãxũ ã ñuxre i ngunexũ na nangũxũcax. Rũ name nixĩ na ngẽma ngunexũgũ i nãgu nangũxũ ã ngẽma cori nũxũ na naxũtanũxũ naxcax i ngẽma ngunexũgũ i nãgu

nangũxũ ĩ ngẽma norũ duũxũ.

ARTICULO 25.

Rũ name nixĩ na meã namaxũxũ ĩ wũxichigũ i duũxũ na tama yadaawexũcax i nũma rũ naxmax rũ exna naxãpataxũ ĩ wũxichigũ i duũxũ. Rũ ngẽxguma yadaawexgu rũ name nixĩ na nangẽxmaxũ ĩ norũ duturu. Rũ ngẽxguma taxuacũma norũ puracũxũ iyangauxgu i wũxi i duũxũ rũ name nixĩ na ãẽxgacũ nũxũ rũngũxẽẽxũ. Rũ ngẽxguma nayutegu rũ exna poraãcũ nayaxgu i wũxi i duũxũ rũ nũxũ natauxgu i ngẽma norũ ngũxẽẽruũ, rũ name nixĩ na ãẽxgacũ nũxũ rũngũxẽẽxũ.

Rũ name nixĩ na ãẽxgacũ nũxũ rũngũxẽẽxũ ĩ ngẽma ngexũgũ i ããxũgũxũ. Rũ ngẽxgumarũũ ta name nixĩ na ãẽxgacũ nũxũ rũngũxẽẽxũ ĩ guxũma ĩ buxũgũ woo naxãnatũgu rũ exna nangenatũgu.

ARTICULO 26.

Rũ name nixĩ na poperaxũ nacuauxgũxũ ĩ guxũma ĩ duũxũgũ. Rũ tama name na buxũgũ naxũtanũgũxũ naxcax i ngẽma na nangũexũ. Rũ name nixĩ na guxũma ĩ papagũ rũ norũ buxũgũxũ namuxũ na nangũexũcax. Rũ ngẽxguma secundãriawa rũ exna institútowa rũ exna universidãwa naxũchaũgu i wũxi i naxãcũ rũ name nixĩ na ngẽma naxũxũ ega chi aixcũma mexũ ĩ buxũ ĩ ngũxwaxexũ yixĩxgu.

Rũ ngẽma buxũgũarũ profesórgũ rũ name nixĩ na meãma nangũexẽẽãxũ ĩ buxũgũ na meã guxũ ĩ duũxũgumaã namaxẽxũ. Rũ taxúena nachũxaxũcax na nũgũ nangechaũgũxũ ĩ wũxichigũ i nachiũãne rũ exna duũxũgũ i to i nagawa idexagũxũmaã rũ exna nũxũ yaxõõxũ na ngẽmaãxũ nataãẽgũxũcax.

Rũ ngẽxguma wũxi i papa rũ wũxi ya escuela ya mexũnewa namuxchaũãgu i norũ buxũ rũ ngẽma rũ ta name.

ARTICULO 27.

Rũ name nixĩ na wũxichigũ i duũxũ rũ nataãẽxũ namaã ĩ guxũma ĩ mexũgũ i norũ ããnewa ngẽxmaxũ. Rũ ngẽxguma nangẽxmagu i tacũ i mexũ ĩ ããneãrũ ixĩxũ rũ name nixĩ na nũxũ nacuáxũ na guxũãrũ yiĩxũ ĩ ngẽma.

Rũ ngẽxguma texé naxũmatũgu i wũxi i popera rũ exna wũxi i naxchicũnaxã taxũxgu rũ namaã tataxegu, rũ name nixĩ na tanayaxuxũ ĩ natanũ naxcax i tũmaãrũ puracũ.

ARTICULO 28.

Rũ taxucũrũwa texé tanachuxu na meã ñãã popera nũxũ ixuxũrũũ namaxũxũ ĩ wũxi i duũxũ.

ARTICULO 29.

Rũ name nixĩ na wũxichigũ i duũxũ rũ meã norũ ããnecax napuracũxũ rũ meã guxũ ĩ togũ i norũ ããnecũãxgũmaã namaxũxũ.

Rũ name nixĩ na meã namaxẽxũ ĩ guxũma ĩ duũxũgũ, natũrũ taxucũrũwa texé chixri naga taxĩnũ ĩ tũmaãrũ ãẽxgacũ. Rũ tama name na wũxi i duũxũ rũ to i duũxũmaã chixexũ naxũxũ.

Rũ taxucũrũwa texé chixri naga taxĩnũ ĩ ngẽma nũxũ yaxuxũ ĩ ñãã popera erũ ñã nixĩ ĩ nagu naxĩnũẽxũ ĩ guxũma ĩ nachiũãnegũ i wũxigu rũxĩnũẽxũ.

ARTICULO 30.

Rü guxũ ĩ nachiũãnewa rü taxucürüwa tacü rü ãẽxgacü chixri naga naxĩnũ ĩ ñãã popera. Rü name nixĩ na guxũma ĩ togü i duũxũgü rü ta meã naga naxĩnũẽxũ ĩ ñãã popera. Erü tanaxwaxe na meã namaxẽxũ ĩ guxũma ĩ duũxũgü ĩ ñãã popera nüxũ ixuxũrũũ.